

進後休貪非理物退時好認本來真行慈但積無邊福寡欲休  
傷有限身綠鬢惟能添白髮紅塵難再遇青春君還悟徹茲狂  
語作箇逍遙物外人

偶題

一聲長嘯白雲開明月清風手自裁映鳥朱霞環野鶴排空濁  
浪走奔雷黃梁未熟消塵夢鐵笛無音冷落梅最是浮生難了  
局空將妙諦屬金罍

夜吟

萬籟無聲夜正賒乘風兩度過人家天光黯淡當清夜燭影輝  
煌映碧紗鼓轉譙樓三下急鶴橫漢表一聲譁從來只厭紅塵

道藏輯要

呂帝詩集

三

室集六

事誰向燈前問法華

月夜繡毬二首

團團玉藥月中開月下相看粉作堆蝶戀香魂春夢穩鶴貪素  
影夜飛來一枝搖曳三臺妙八面玲瓏二氣才檢點本來真面  
目莫教無事惹塵埃

生香活色貯瓶中默坐相參妙解通一個團圓成粉碎幾人徹  
底悟虛空縱牽枝葉歸無象盡洗鉛華尙素風萬彙靜中觀自  
得莫於皓首歎時窮

秋夜

冰鑑懸空萬壑涼浮雲散盡見清光雙鳧掠月千峯靜孤雁嘹